

Američki san moguć u BiH

Za tri godine svog postojanja AUBiH je postavio nove standarde u visokoškolskom obrazovanju u BiH, opravdao podršku američkih diplomata te pokazao da je američki san moguć u našoj zemlji

● Kako biste objasnili uspjeh AUBiH, koji je za nepune tri godine postojanja uspio postaviti nove standarde u visokoškolskom obrazovanju u BiH?

Nije bilo jednostavno. Ukratko, jasna vizija, iskrene i plemenite namjere, veliki angažman, ogromno znanje i iskustvo rezultirali su uspješnim stvaranjem AUBiH. Timski rad, na početku nekoliko pojedinaca koji su prepoznali razloge postojanja jedne moderne i svjetski priznate visokoškolske ustanove, bio je ključan u ostvarenju ove plemenite misije. AUBiH je najbolji primjer da su snovi i vizije mogući i u BiH. Mi smo dokaz da je uspjeh u BiH moguć, i to na jedan vanserijski i originalan način.

● Kako to mislite?

Mi smo AUBiH, imajući u vidu svjetske naučno-obrazovne standarde, uveli na velika vrata visokoškolskih institucija globalnih razmjera. Znanje stečeno pohađanjem jednog od fakulteta na AUBiH ne samo da je priznato od strane State University of New York (SUNY) već kao takvo ravnopravno konkuriše svuda u svijetu.

Šanse za zaposlenje

- To znači da diplomci AUBiH ne samo da imaju dvije univerzitetske diplome, bosanskohercegovačku i američku, koja je priznata svugdje u svijetu, nego i svojim praktičnim iskustvom koje već za vrijeme studija stiču i usvojenim znanjem koje im prenose najeminentniji američki profesori, bez ikakvih prepreka mogu raditi gdje god to poželes, za bilo koju kompaniju, banku ili državnu instituciju.

Osim toga, prema najnovijim istraživanjima koje je proveo jedan domaći portal za zapošljavanje, osobe koje imaju stranu diplomu imaju više mogućnosti za zaposlenje nego studenti s javnih univerziteta. Dakle, naši studenti dobijaju i američku diplomu, tako da nemaju nikakvih prepreka u izgradnji karijere.

● Kakve prednosti od toga može imati BiH?

Tržište rada funkcionira svugdje jednako. Kako kod nas, tako i u svi-



Denis Prčić

jetu. Svi veliki, značajni i bitni sistemi pokušavaju doći do najkvalitetnijih i najposposobnijih ljudi koji su spremni odmah preuzeti odgovornost i voditi poslovanje u bilo kom domenu. Diplomom SUNY univerziteta posjeduje čak dva miliona ljudi u svijetu. Ovaj univerzitet upiše godišnje blizu 550.000 studenata u 64 studentska kampa u državi New York. AUBiH je ravnopravan dio ove velike naučne porodice. Naši studenti su veoma traženi stručnjaci na svjetskom tržištu. A ono što je traženo i čega nedostaje u svijetu, može samo višestruko koristiti našem poslovnom ambijentu, društvu i državi. Zapravo, kada smo osnivali AUBiH, naša je namjera bila ostvarenje sna o univerzitetu koji će služiti svojim studentima, ali i pravu na bolju i prosperitetniju Bosnu i Hercegovinu.

● Ispada da je „američki san“ moguć i u BiH?

Sanjati je dobro. Raditi još bolje. Mi smo dokaz da zdravi snovi, postavljeni na ispravnim vizijama, uz jako puno rada, uz svjetske metode učenja prilagođene našim uvjetima i mentalitetu, kao i besprijeekorna or-

ganizacija i briga za svakog studenta, čine snove realnim. Studenti i njihov uspjeh su naša jedina briga.

Životna odluka

● To tvrde sve visokoškolske ustanove. Ali, šta to zaista znači?

To znači da studenti nemaju drugih obaveza nego samo da usavršavaju znanje kako bi što spremnije izlazili na ispite. Evo jednog banalnog primjera. Kod nas studenti ne provode sate čekajući u studentskim službama da bi ovjerili indexe. Naši studenti ne trče za profesorima kako bi dobili potpise i tako stekli pravo na izlazak na ispit. Na AUBiH studenti trebaju samo predati indexe, za sve ostalo se brine studentska služba.

● Upis na fakultet je jedna od najvažnijih životnih odluka. Zašto bi se neko trebao odlučiti za upis na AUBiH u sljedećoj školskoj godini?

Vrlo često ističemo prednosti američkog sistema visokoškolskog obrazovanja. Želio bih ovom prilikom naglasiti još jedan bitan moment. Polazimo od činjenice da je riječ o vrlo bitnoj životnoj odluci. Mladi ljudi koji završavaju srednje škole nalaze se na prekretnici njihovog budućeg životnog i poslovnog opredjeljenja. S druge strane, roditelji su možda još i više svjesni te činjenice. Svako želi najbolje svome djetetu. Naš uspjeh temelji se, prije svega, na toplom ljudskom pristupu svakom studentu i roditelju ponosom. Taj osobni pristup podrazumijeva realno predstavljanje naših mogućnosti, prepoznavanje i isticanje prednosti i posebnih nadarenosti svakog studenta, ali i ukazivanje na određene manjkavosti i nedosta-

tke kod konkretnih pojedinaca. I studenti i roditelji prepoznaju i cijene takav iskren pristup. Već nakon prvog susreta u preliminarnim razgovorima s njima, prije samog upisa, svima biva jasno da se ovdje ne radi o pukoj prodaji i lobiranju, već o istinskoj brizi za dobrobit svakog pojedinca. Naglasio bih da su studenti sve vrijeme sa svojim porodicama i da po znanje kakvo nudi američki sistem obrazovanja ne moraju ići nigdje izvan svoje zemlje.

● Mnogima se kao prepreka upisu na AUBiH čini nedovoljno poznavanje engleskog jezika. Koji nivo znanja je potreban da bi neko mogao upisati AUBiH?

Info o AUBiH

Više informacija, kao i detaljne upute za upis u školsku 2009/2010 mogu se pronaći na web adresi:

www.aubih.edu.ba

Tu su i naši telefoni u Tuzli 035 321 050 i u Sarajevu 033 296 415

Adresa u Tuzli je: Ul. Mije Keroševića Guje 3, 75000 Tuzla.

Adresa u Sarajevu je: Fra Andela Zvizdovića 1, 71000 Sarajevo.

Naš mail je:

contact@aubih.edu.ba

Predavanja se odvijaju isključivo na engleskom jeziku, koji je svjetski jezik u svijetu poslovanja i diplomacije. Studenti sa srednjoškolskim znanjem engleskog jezika mogu upisati ovaj studij, s tim da AUBiH procjenjuje koji je to nivo znanja, a u cilju daljnjeg usavršavanja jezika. Studentima omogućavamo besplatno usavršavanje jezika putem Škole engleskog jezika. Omogućavamo im da se pripreme i shvate način rada na AUBiH. Vjerujte da u veoma kratkom vremenskom periodu, čak i u prvom semestru, savladaju jezik.

Studentska praksa

● Koji su još razlozi zbog kojih je AUBiH prvi izbor za sve one koji se upisuju na fakultet?

Svakako da su tu i međunarod-

Američki sistem obrazovanja

Metodologija rada je takva da studenti imaju više različitih testova, kvizova i finalnih testova tokom čitavog semestra. Studenti moraju redovno dolaziti na nastavu, redovno učiti i samim tim se postižu visoki rezultati. Nastava se odvija prema planu i programu SUNY-ja, a to podrazumijeva i upotrebu američkih udžbenika, čiji su autori priznati širom svijeta. Za ovaj semestar smo uspjeli osigurati svim studentima besplatne originalne udžbenike iz SAD-a, a trudit ćemo se da tu praksu nastavimo i u budućnosti.

dno priznati SUNY akademski programi usmjereni ka izgradnji karijere. AUBiH ima pristup i može raditi po čak 7.500 različitih planova i programa. Treba istaći da su planovi i programi po kojima se radi na AUBiH istodobno priznati i od vlasti BiH. Kod ovolikog broja planova i programa, puno je lakše izabrati one najbolje za naše studente. To znači da se studenti već u toku samog studija specijaliziraju za rad u usko profiliranim oblastima. Takav stručnjak dobro je došao u svaku kompaniju, banku ili instituciju, jer već tokom studija stiče ne samo znanja već i iskustva potrebna za nesmetano preuzimanje svih obaveza i odgovornosti na veoma bitnim funkcijama, vitalnim za poslovanje svake korporacije. Osim toga, tu su još i SUNY predavanja na daljinu i pristup digitalnoj biblioteci. Naši studenti u svakom trenutku imaju pristup čak 18 miliona naslova iz kojih praktično imaju relevantno naučno znanje cijelog svijeta na dlanu. Autori udžbenika po kojima naši studenti uče su najeminentniji svjetski naučnici.

□ Na AUBiH studenti stiču stručna znanja i praksu već za vrijeme studiranja?

Tako je. Omogućavamo jedan semestar u SAD-u, u SUNY studentskom kampusu, plaćenu stručnu praksu u tamošnjim kompanijama na Wall Streetu i Manhattanu. Ove godine prva generacija naših studenata ide u SAD. Osim redovnih predavanja i prakse, predviđeni su i obilasci kulturnih spomenika u New Yorku, izleti na Nijagarine vodopade, šoping u Wall Martu, itd. Tu je i stručna praksa u bh. preduzećima. AUBiH je jedini univerzitet u BiH koji svojim studentima garantira sticanje praktičnog iskustva u skladu s akademskim programom rada, osiguravajući im tokom ljetnog semestra praksu u renomiranim preduzećima koja posluju u BiH, ali i državnim institucijama, neprofitnim organiza-

Harvard Case Study

No, ono što čini dodanu vrijednost u ovom specifičnom sistemu obrazovanja jeste „Harvard Case Study“ metod predavanja, zasnovan na obradi i analizi stvarnih poslovnih događanja i procesa, koji su se dešavali negdje u svijetu, a zbog svog su značaja odabrani kao primjeri iz prakse na kojima će se buduće generacije poslovnih ljudi učiti kako kritički razmišljati, donositi odluke i rješavati probleme.



AMERICAN UNIVERSITY
IN BOSNIA AND HERZEGOVINA



William Montgomery



Clifford Bond



Ralph Johnson

Jaka veza AUBiH i SUNY univerziteta

- Naš odnos s Državnim univerzitetom New York je partnerski. AUBiH je prethodno morao ispuniti sve propise i standarde koje je SUNY postavio, kako bi Senat države New York priznao naš univerzitet. To praktično znači da su, osim pristupa pomagalicama, bazi podataka i metodi učenja, naši studenti istovre-

meno i studenti SUNY univerziteta. Njihov status priznalo je i njujorško ministarstvo obrazovanja. Nema nikakve razlike između studenata AUBiH i studenata SUNY univerziteta, jer su svi registrirani u New York Department of Education, u SUNY sistemu koji je najveći obrazovni sistem u svijetu.

Ovo im omogućava značajne povlastice u visini školarine u odnosu na ostale strane studente SUNY univerziteta. Dakle, radi se originalnom i samo nama svojestvenom rješenju studiranja i to nas čini drugačijim od ostalih. Jednostavno, to je jedna od naših važnijih konkurentskih prednosti.

cijama, itd. Ovaj program koristan je kako za naše studente, tako i za kompanije i institucije koje se odluče primiti AUBiH studenta na praksu, jer omogućava obostrani proces procjene i razmjene informacija i znanja. Na četvrtj godini studenti odlaze jedan semestar u SAD na praksu, gdje stiču vrijedno iskustvo, nakon čega se vraćaju u BiH kako bi diplomirali. To je plaćena praksa i taj novac će im omogućiti da u SAD-u plate sve troškove življenja.

Isto tako AUBiH nudi vrlo bogat studentski život izvan nastave, mogućnost samoorganiziranja, sportske aktivnosti, studijska putovanja i ekskurzije. A, tokom studiranja, studenti se susreću s najznačajnijim državniciima regije, ambasadorima, biznismenima i drugim značajnim ličnostima.

Podrška američke diplomatije

● **Primjetna je i podrška koju AUBiH ima od američkih diploma koja ide mnogo dalje od deklarativne?**

Naravno da AUBiH ne bi postojao bez podrške State Departmenta i Američke ambasade u BiH. Trenutno, u Upravnom odboru imamo tr-

oje bivših američkih ambasadora: Clifforda Bonda, Williama Montgomeryja i Ralpa Johnsona, koji imaju svoja praktična zaduženja. Veliki prijatelj i donator AUBiH je Duch Summers, američki milijarder i poslovni čovjek, čije je interesiranje za AUBiH još jedna potvrda da smo na pravom putu.

● **Ostatak Upravnog odbora je „domaći“?**

Dodao bih, i vrlo respektabilan. Tu su još Mirsad Kurtović, generalni direktor UNITIC-a, Igor Davidović, stalni predstavnik pri UN-u ambasador, Željko Kopanja, direktor Nezavisnih novina, i Mijo Mišić, generalni sekretar Udruženja banaka BiH.

Svi ti ljudi rade za dobrobit BiH, tako da svako od nas ima svoj zadatak koji omogućava bolji prosperitet BiH kroz razvoj visokog obrazovanja. Pokušavamo, na najbolji način, poboljšati standarde i doprinijeti razvoju poslovne atmosfere za investicije u BiH. To je najveći značaj AUBiH, a svi mi zajedno radimo za dobrobit naših studenata i BiH. Opravdali smo ukazano povjerenje i jedan smo od svjetlijih primjera u BiH.

● **Da li je iznos školarine realan i ko sebi može priuštiti studiranje na AUBiH?**

Bukvalno svako. Materijalne uvjete za studiranje smo sveli na minimum. Školarina iznosi 5.500 eura za godinu. Međutim, omogućili smo gotovo svima da sebi priušte studiranje na AUBiH. Nudimo studentske kredite na 12 godina. To je tek trećina školarine, a dvije trećine osigurava SUNY univerzitet. Dakle, diploma AUBiH, koja je istodobno i diploma SUNY univerziteta, vrijedi tri puta više.

● **Planirate li daljnji razvoj AUBiH?**

AUBiH školuje i odgaja profesionalce, koji će, kao takvi, biti potrebni u ekonomsko-političkom razvoju BiH. Naš cilj je studentima omogućiti kvalitetno obrazovanje, kako bi upravo oni sutra pomogli daljnji prosperitet domaćih institucija i kompanija. Mi se razvijamo u skladu s istraženim potrebama tržišta. A, kolike su potrebe najbolje govore naši razvojni planovi koje u potpunosti ispunjavamo. Osim postojećih fakulteta u Tuzli i Sarajevu, ujesen otvaramo i Fakultet međunarodnog prava u Banjoj Luci te Američki univerzitet u Beogradu. ●

M.D.A.